

Sakspapir

Saksbehandler	Arkiv	ArkivsakID
Jo Bjarte Tømmerbakke	FE-026	20/382

Saksnr	Utvalg	Type	Dato
	Kommunestyret	PS	
041/2020	Formannskapet	PS	26.11.2020

Revisjon av selskapsavtale Nordhordland Utviklingsselskap IKS

Forslag til vedtak:

Modalen kommune godkjenner revidert selskapsavtale med følgende endringer:

- 1. Alver kommune overtar eigaransvaret til kommunane Lindås, Meland og Radøy.**
- 2. Vaksdal kommune trer inn som ny medeigar i selskapet.**
- 3. Det vert gjort endring av røystetal, eigar/ansvarsdel og kostnadsdeling.**
- 4. Selskapet skiftar namn frå Nordhordland Utviklingsselskap IKS til Region Nordhordland IKS.**

Saksopplysningar:

Saka skal avgjerast i kommunestyra i kommunane Alver, Austrheim, Fedje, Gulen, Masfjorden, Modalen, Osterøy og Vaksdal. Selskapet har fått frist ut året av Brreg med å få på plass ny selskapsavtale som er godkjent i kommunane. Selskapsavtalen må derfor handsamast i kommunestyra før nyttår. Endring av selskapsavtalen krev at alle kommunestyra gjer likelydande vedtak.

Bakgrunn

Nordhordland Utviklingsselskap IKS (NUI) vart stifta 5. januar 2012, etter å ha skifta namn frå Regionrådet Nordhordland IKS. Selskapet var då eigd av dei ni kommunane Austrheim, Fedje, Gulen, Lindås, Masfjorden, Meland, Modalen, Osterøy og Radøy.

Lindås, Meland og Radøy slo seg saman til Alver kommune frå og med 01.01.2020, slik at det no er sju kommunar som er eigarar. Dette gir krav om endring av selskapsavtalen.

I tillegg har Vaksdal kommune eit ønskje om bli med i Nordhordland Utviklingsselskap IKS/Regionrådet. Vaksdal kommune har over lengre tid vore med på ein del av samarbeidet i

regionen, bl.a. har dei vore med i IKT Nordhordland frå starten av i 2011. Kommunen deltar også på ein del tenestesamarbeid og rådmannen er med i rådmannsutvalet. I og med at det må gjerast endring av selskapsavtalen vil det vera ein fordel å ta med den utvidinga av selskapet no.

Selskapet har fått frist ut året av Brreg med å få på plass ny selskapsavtale som er godkjent i kommunane. Endring av selskapsavtalen krev at alle kommunestyra gjer likelydande vedtak. Det betyr at saka må vera godt forankra og ha ei brei forståing før den går ut til kommunestyra for handsaming.

Sjå vedlegg for utdjupande beskriving av føreslegne endringar i selskapsavtalen, føremål, namneendring, kostnadsdeling/finansiering, eigar/ansvarsdel og representantskap og røystetal.

Vurdering

Modalen kommune har stor nytte av arbeidet som Nordhordland Utviklingsselskap gjer på vegne av kommunane i Nordhordland. Ut i frå arbeidsoppgåver og prosjekt har dei minste kommunane større nytte av NUI enn det som har kome fram i kostnadsfordelinga som har vore fram til no, som kun har vore basert på folketal. Ein del av det NUI gjer kjem alle kommunane likt til nytte då det er oppgåver alle måtte gjort enten ein er liten eller stor.

Konklusjon

Rådmannen tilrår at kommunestyret sluttar seg til dei føreslegne endringane og gjer likelydane vedtak som dei andre medlemskommunane.

Formannskapet - 041/2020

FOR - behandling:

Rådmann og ordførar orienterte om saka og svara på spørsmål
Samrøystes vedteke

FOR - vedtak:

Modalen kommune godkjenner revidert selskapsavtale med fylgjande endringar:

- 1. Alver kommune overtar eigaransvaret til kommunane Lindås, Meland og Radøy.**
- 2. Vaksdal kommune trer inn som ny medeigar i selskapet.**
- 3. Det vert gjort endring av røystetal, eigar/ansvarsdel og kostnadsdeling.**
- 4. Selskapet skiftar namn frå Nordhordland Utviklingsselskap IKS til Region Nordhordland IKS.**

Vedlegg:

Saksframlegg til kommunane - utgreiing ny Selskapsavtale Nordhordland Utviklingsselskap IKS -
revisjon 2020

Selskapsavtale Region Nordhordland IKS - rev desember 2020